

DBP BERSEDIA MENYUSUN STRATEGI BAHARU



Datuk Abang Sallehuddin Abg. Shokeran berucap dalam majlis Amanat Tahun Baharu 2020.

Penghargaan juga diberikan kepada semua warga kerja atas usaha dan pencapaian yang membanggakan untuk menggerakkan fungsi DBP.

Sebagai badan penerbit bahasa Melayu, katanya DBP juga bersedia menyahut cabaran merealisasikan penerbitan digital, termasuklah penerbitan majalah digital yang menjadi sumber rujukan masyarakat. Penerbitan majalah DBP juga diusahakan supaya setanding dengan penerbitan masa sebenar (*real time*) seperti MalaysiaKini dan Malaysian Insight serta ke arah wayang dalam talian seperti Netflix. DBP juga memberikan jaminannya untuk menerbitkan buku judul baharu dalam tempoh sembilan bulan.

Pembinaan karyawan DBP sebagai tenaga pengajar terutama berkaitan dengan bahasa akan diberikan perhatian sewajarnya. Sasaran bacaan sebanyak 40

buah buku setahun ditetapkan kepada setiap karyawan DBP.

Hal ini merupakan tanda sokongan karyawan DBP ke arah menjayakan Gerakan Dekad Bahasa Kebangsaan (GDBK). Semua warga kerja DBP diingatkan untuk meningkatkan produktiviti dan kreativiti, serta bersedia berubah mengikut perkembangan semasa, sentiasa bersedia mencuba perkara yang baharu, serta bersikap lebih terbuka.

Pada majlis yang sama Pengerusi Lembaga Pengelola DBP, Profesor Datuk Dr. Mohamed Hatta Shaharom turut memberikan ceramah motivasi berkaitan dengan pembinaan insan kepada warga kerja DBP. – **Suria Janib** **PB**

Profesor Datuk Dr. Mohamed Hatta Shaharom menyampaikan ceramah berkaitan dengan pembinaan insan.

KUALA LUMPUR – Hasil pertemuan dengan Perdana Menteri, Tun Dr. Mahathir Mohamad, Dewan Bahasa dan Pustaka (DBP) menerusi Ketua Pengarahnya, Datuk Abang Sallehuddin Abg. Shokeran bersedia menyusun strategi baharu bagi menyahut seruan kerajaan untuk memperkasakan bahasa Melayu di kedudukan yang sewajarnya, di samping memperkuat penguasaan bahasa Inggeris untuk kepentingan masyarakat dan negara.

Dalam ucapan awalnya beliau turut merakamkan penghargaan yang besar kepada mantan Menteri Pendidikan Malaysia (KPM), Dr. Maszlee Malik yang banyak memberikan sokongan kepada DBP selama ini. Harapan seterusnya diberikan kepada Perdana Menteri Tun Dr. Mahathir sebagai pemangku Menteri Pendidikan yang baharu untuk memberikan perhatian terhadap DBP. Demikian menurutnya ketika menyampaikan Amanat Tahun Baharu di hadapan warga kerja DBP pada 21 Januari lalu.

